



UNDANG-UNDANG MALAYSIA

Akta A1425

AKTA STANDARD MALAYSIA (PINDAAN) 2012

Tarikh Perkenan Diraja 2 Februari 2012

Tarikh penyiaran dalam *Warta* 9 Februari 2012

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada **Percetakan Nasional Malaysia Berhad (Pencetak kepada Kerajaan Malaysia yang dilantik)**.

UNDANG-UNDANG MALAYSIA

Akta A1425

AKTA STANDARD MALAYSIA (PINDAAN) 2012

Suatu Akta untuk meminda Akta Standard Malaysia 1996.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Standard Malaysia (Pindaan) 2012.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pindaan tajuk panjang

2. Akta Standard Malaysia 1996 [*Akta 549*], yang disebut “Akta ibu” dalam Akta ini, dipinda dalam tajuk panjang dengan memasukkan selepas perkataan “standard” perkataan “, akreditasi”;

Pindaan am**3. Akta ibu dipinda—**

(a) dalam teks bahasa kebangsaan—

- (i) dengan menggantikan perkataan “pemerakuan” di mana-mana jua terdapat dengan perkataan “pensijilan”;
- (ii) dengan menggantikan perkataan “penentuan” di mana-mana jua terdapat dengan perkataan “standard”;
- (iii) dengan menggantikan perkataan “penentuan standard” di mana-mana jua terdapat dengan perkataan “Standard Malaysia”;
- (iv) dengan menggantikan perkataan “penilaian ketepatan” di mana-mana jua terdapat dengan perkataan “penilaian pematuhan”; dan
- (v) dengan menggantikan perkataan “tanda ketepatan” di mana-mana jua terdapat dengan perkataan “tanda pematuhan”; dan

(b) dalam teks bahasa Inggeris—

- (i) dengan menggantikan perkataan “specification” dan “specifications” di mana-mana jua terdapat dengan perkataan “standard” dan “standards”, masing-masing; dan
- (ii) dengan menggantikan perkataan “standard specification” dan “standard specifications” di mana-mana jua terdapat dengan perkataan “Malaysian Standard” dan “Malaysian Standards”, masing-masing.

Pindaan seksyen 2**4. Seksyen 2 Akta ibu dipinda—**

(a) dengan menggantikan takrif “akreditasi” dengan takrif yang berikut:

‘ “akreditasi” ertinya suatu tatacara yang melaluinya Jabatan memberikan pengakuan bahawa sesuatu badan penilaian pematuhan adalah berwibawa untuk menjalankan aktiviti penilaian pematuhan tertentu;’

(b) dengan memasukkan selepas takrif “akreditasi” takrif yang berikut:

‘ “badan yang diiktiraf”, berhubung dengan standard, ertinya suatu entiti undang-undang atau pentadbiran yang mempunyai tugas dan komposisi tertentu, dengan kuasa yang diakui bagi menerbitkan standard;’;

(c) dengan memasukkan selepas takrif “Institut” takrif yang berikut:

‘ “Jabatan” ertinya Jabatan Standard, Malaysia yang bertanggungjawab bagi penstandardan dan akreditasi kebangsaan;’;

(d) dalam takrif “Menteri”, dengan memasukkan selepas perkataan “standard” perkataan “dan akreditasi”;

(e) dengan memasukkan selepas takrif “Menteri” takrif yang berikut:

‘ “pegawai diberi kuasa” ertinya seorang pegawai Jabatan atau mana-mana pegawai awam yang diberi kuasa di bawah seksyen 21A;’;

(f) dalam teks bahasa kebangsaan, dengan memotong takrif “pemerakuan”;

(g) dengan memotong takrif “pendaftaran”;

(h) dengan memotong takrif “penentuan”;

(i) dengan memotong takrif “penentuan standard”;

(j) dengan menggantikan takrif “penilaian pematuhan” dengan takrif yang berikut:

‘ “penilaian pematuhan” ertinya suatu aktiviti pengujian, penentukuran, pemeriksaan, pensijilan atau apa-apa aktiviti lain sebagaimana yang ditentukan oleh Ketua Pengarah bagi maksud menunjukkan bahawa kehendak tertentu yang berhubungan dengan komoditi, proses, sistem, orang, amalan atau perkhidmatan dipenuhi;’;

- (k) dengan memasukkan selepas takrif “penilaian pematuhan” takrif yang berikut:

‘ “pensijilan” ertinya suatu tatacara yang melaluinya pihak ketiga memberikan jaminan bertulis bahawa kehendak tertentu yang berhubungan dengan komoditi, proses, sistem, orang, badan, amalan atau perkhidmatan dipenuhi;’;

- (l) dengan memasukkan selepas takrif “peraturan-peraturan” takrif yang berikut:

‘ “peraturan teknikal” ertinya mana-mana undang-undang bertulis yang memperuntukkan bagi kehendak teknikal, sama ada secara langsung atau dengan merujuk kepada atau menggabungkan kandungan sesuatu standard, penentuan teknikal atau kod amalan;’;

- (m) dengan memasukkan selepas takrif “peraturan teknikal” takrif yang berikut:

‘ “premis” termasuk apa-apa pondok, bangsal, struktur, platform, rumah, bangunan, pengangkut dan tanah sama ada tertutup atau dibina di atasnya;’;

- (n) dengan memasukkan selepas takrif “premis” takrif yang berikut:

‘ “simbol akreditasi” ertinya suatu simbol yang dilindungi yang digunakan atau dikeluarkan di bawah sistem akreditasi yang diwujudkan dan dikendalikan oleh Jabatan;’;

- (o) dengan menggantikan takrif “standard” dengan takrif yang berikut:

‘ “standard” ertinya suatu dokumen yang diwujudkan secara sepersetujuan dan diluluskan oleh suatu badan yang diiktiraf, yang memperuntukkan, bagi kegunaan biasa dan berulang, kaedah-kaedah, garis panduan atau ciri bagi aktiviti atau keputusan aktiviti itu, yang matlamatnya ialah pencapaian peringkat susunan yang optimum dalam sesuatu konteks yang diberikan, yang pematuhannya tidak mandatori;’;

- (p) dengan memasukkan selepas takrif “standard” takrif yang berikut:

‘ “Standard Malaysia” ertinya sesuatu standard yang diisytiharkan di bawah seksyen 15;’;

- (q) dengan menggantikan takrif “Standard Malaysia sementara” dengan takrif yang berikut:

‘ “Standard Malaysia sementara” ertinya sesuatu standard yang belum melalui tatacara formal pertimbangan jawatankuasa teknikal dan komen awam dan—

(a) yang pada pendapat Majlis diperlukan segera; atau

(b) yang berkenaan dengannya Menteri berpendapat bahawa penggunaanya secara cubaan perlu sebelum ia boleh dimuktamadkan;’;

- (r) dalam takrif “tanda pematuhan”, dengan memasukkan selepas perkataan “proses,” perkataan “sistem, orang,”; dan

- (s) dengan memotong takrif “tanda standard”.

Pindaan seksyen 10

5. Seksyen 10 Akta ibu dipinda—

- (a) dengan menggantikan subseksyen (1) dengan subseksyen yang berikut:

“(1) Kewajipan dan fungsi Ketua Pengarah adalah untuk membangunkan dan memajukan standard, dan untuk mengakreditasikan badan penilaian pematuhan sebagai cara untuk memajukan ekonomi negara, memanfaatkan kesihatan, keselamatan dan kebajikan awam dan alam sekitar, membantu dan melindungi pengguna, memajukan kecekapan dan pembangunan industri, memudahkan perdagangan dalam negeri dan antarabangsa dan melanjutkan kerjasama antarabangsa berhubung dengan penstandardan dan akreditasi.”; dan

(b) dalam subseksyen (2)—

(i) dengan menggantikan perenggan (a) dengan perenggan yang berikut:

“(a) mewakili Malaysia dalam aktiviti penstandardan dan akreditasi antarabangsa;”;

(ii) dengan memasukkan selepas perenggan (a) perenggan yang berikut:

“(aa) melantik, mengikut kriteria yang diluluskan oleh Majlis, mana-mana organisasi di Malaysia untuk membangunkan standard dan untuk menyelaraskan perwakilan Malaysia dalam aktiviti penstandardan antarabangsa;”;

(iii) dengan menggantikan perenggan (b) dengan perenggan yang berikut:

“(b) menggalakkan kerjasama antara organisasi yang terlibat dengan penstandardan di Malaysia, jabatan dan agensi Kerajaan bagi maksud mencapai keserasian dan penggunaan umum yang maksimum bagi standard;”;

(iv) dengan menggantikan perenggan (c) dengan perenggan yang berikut:

“(c) melaksanakan kriteria, sebagaimana yang diluluskan oleh Majlis, yang berhubungan dengan penyediaan, kelulusan, penerimaan dan penetapan standard sebagai Standard Malaysia;”;

(v) dengan menggantikan perenggan (d) dengan perenggan yang berikut:

“(d) mengesyorkan kepada Menteri standard yang dikemukakan oleh mana-mana organisasi yang dilantik di bawah perenggan (aa) sebagai Standard Malaysia, jika sesuai, dan menyenggara indeks Standard Malaysia;”;

- (vi) dengan menggantikan perenggan (*f*) dengan perenggan yang berikut:

“(f) menggalakkan penggunaan Standard Malaysia;”;

- (vii) dengan menggantikan perenggan (*h*) dengan perenggan yang berikut:

“(h) mengakreditasikan, mengikut kriteria sebagaimana yang diluluskan oleh Majlis, badan yang terlibat dalam penilaian pematuhan dan menyenggara suatu daftar badan terakredit dan tanda pematuhan mereka;”;

- (viii) dalam perenggan (*i*), dengan memotong perkataan “dan pendaftaran”;

- (ix) dengan memotong perenggan (*j*);

- (x) dengan memotong perenggan (*k*);

- (xi) dengan menggantikan perenggan (*l*) dengan perenggan yang berikut:

“(l) menetapkan dan mendaftarkan di bawah Akta Cap Dagangan 1976 simbol akreditasi Jabatan sendiri;”;

- (xii) dalam perenggan (*m*), dengan menggantikan perkataan “tanda” dengan perkataan “simbol”;

- (xiii) dengan menggantikan perenggan (*o*) dengan perenggan yang berikut:

“(o) menggalakkan perkiraan kerjasama dengan organisasi yang terlibat dalam penstandardan dan akreditasi di negara lain bagi pertukaran maklumat;”;

- (xiv) dalam perenggan (*p*), dengan memotong perkataan “sukarela”;

- (xv) dengan menggantikan perenggan (*q*) dengan perenggan yang berikut:

“(q) menjalinkan dan mengekalkan hubungan dengan organisasi tempatan dan luar negara yang terlibat dalam penstandardan, akreditasi dan perkara berkaitan yang lain dalam sektor awam dan swasta, dan mengekalkan pendedahan kepada keperluan perindustrian dalam penstandardan dan akreditasi;”;

- (xvi) dengan memotong perkataan “dan” di hujung perenggan (*q*); dan

- (xvii) dengan memasukkan selepas perenggan (*q*) perenggan yang berikut:

“(qa) dengan bekerjasama dengan agensi yang berkaitan, memudahkan pembangunan peraturan teknikal dan membangunkan dan memajukan prinsip dan tatacara bagi pelaksanaan peraturan teknikal dan penilaian pematuhan; dan”.

Pindaan seksyen 13

6. Seksyen 13 Akta ibu dipinda—

- (a) dengan menggantikan perenggan (1)(*e*) dengan perenggan yang berikut:

“(e) tidak lebih daripada dua belas orang anggota lain yang, pada pendapat Menteri, mempunyai pengalaman yang luas atau pengetahuan khas dalam perkara yang berhubungan dengan penstandardan dan akreditasi.”;

- (b) dalam subseksyen (3)—

- (i) dalam perenggan (*a*), dengan memasukkan selepas perkataan “penstandardan” perkataan “dan akreditasi”;

- (ii) dengan menggantikan perenggan (b) dengan perenggan yang berikut:

“(b) untuk menasihati Menteri berkenaan dengan program, skim, projek dan aktiviti untuk menggalakkan kecekapan dan pembangunan perindustrian, dan bagi perlindungan pengguna, melalui aktiviti penstandardan dan akreditasi;”;

- (iii) dalam perenggan (c), dengan memotong perkataan “penentuan”;

- (iv) dengan menggantikan perenggan (f) dengan perenggan yang berikut:

“(f) untuk meluluskan kriteria yang berhubungan dengan penyediaan, pelulusan, penerimaan dan penetapan standard di Malaysia;”;

- (v) dengan menggantikan perenggan (g) dengan perenggan yang berikut:

“(g) untuk meluluskan kriteria yang berhubungan dengan akreditasi badan penilaian pematuhan;”;

- (vi) dengan memotong perenggan (h); dan

- (vii) dengan memotong perenggan (j);

- (c) dengan memasukkan selepas subseksyen (4) subseksyen yang berikut:

“(4A) Menteri boleh melantik, atas penamaan seseorang anggota, tidak lebih daripada seorang untuk menjadi anggota silih ganti bagi anggota itu untuk menghadiri mesyuarat Majlis bagi menggantikan anggota itu apabila anggota itu tidak dapat hadir oleh kerana apa-apa sebab.

(4B) Apabila menghadiri mesyuarat Majlis bagi menggantikan seseorang anggota, seseorang anggota silih ganti hendaklah disifatkan sebagai anggota Majlis.”; dan

- (d) dengan memasukkan selepas subseksyen (5) subseksyen yang berikut:

“(6) Dalam keadaan pembahagian undi yang sama banyak atas apa-apa perkara di hadapan Majlis, Pengerusi hendaklah mempunyai undi pemutus.”.

Pindaan tajuk Bahagian V

7. Tajuk Bahagian V Akta ibu dipinda dengan memasukkan selepas perkataan “STANDARD” perkataan “DAN AKREDITASI”.

Pindaan seksyen 15

8. Seksyen 15 Akta ibu dipinda—

- (a) dengan menggantikan subseksyen (1) dengan subseksyen yang berikut:

“(1) Menteri boleh meluluskan dan mengisytiharkan mana-mana standard yang telah diterima pakai dengan atau tanpa ubah suaian sebagai suatu Standard Malaysia atau Standard Malaysia sementara bagi maksud Akta ini, dan boleh meminda, menyemak atau menarik balik mana-mana Standard Malaysia atau Standard Malaysia sementara.”;

- (b) dengan menggantikan subseksyen (3) dengan subseksyen yang berikut:

“(3) Tiada standard boleh diisytiharkan sebagai Standard Malaysia, dan tiada Standard Malaysia boleh dipinda, disemak atau ditarik balik, melainkan jika Menteri berpuas hati bahawa orang yang mungkin terjejas oleh perisytiharan, pindaan, penyemakan atau penarikan balik itu telah mendapat peluang untuk menimbangkannya dan untuk memberikan ulasan mengenainya melalui suatu mekanisme sebagaimana yang ditentukan oleh Majlis.”;

- (c) dengan menggantikan subseksyen (4) dengan subseksyen yang berikut:

“(4) Perisytiharan, pindaan, penyemakan atau penarikan balik sesuatu Standard Malaysia hendaklah dibuat mengikut cara yang ditetapkan oleh peraturan-peraturan atau, jika tiada peraturan-peraturan sedemikian telah dibuat, mengikut apa-apa cara yang ditentukan oleh Majlis.”; dan

- (d) dengan memotong subseksyen (5) dan (6).

Pindaan seksyen 16

9. Seksyen 16 Akta ibu dipinda—

- (a) dalam nota bahu, dengan memotong perkataan “dan pendaftaran”;
- (b) dengan memotong perkataan “atau pendaftaran” di mana-mana jua terdapat dalam seksyen itu;
- (c) dengan menggantikan subseksyen (1) dengan subseksyen yang berikut:

“(1) Mana-mana orang yang ingin diakreditasikan sebagai suatu badan penilaian pematuhan boleh memohon kepada Ketua Pengarah mengikut cara yang ditetapkan oleh peraturan-peraturan, atau jika tiada peraturan-peraturan sedemikian telah dibuat, mengikut apa-apa cara yang ditentukan oleh Majlis.”;

- (d) dengan menggantikan subseksyen (2) dengan subseksyen yang berikut:

“(2) Jika Ketua Pengarah, selepas menimbangkan permohonan yang dibuat di bawah subseksyen (1), berpuas hati bahawa kriteria dan tatacara yang berhubungan dengan akreditasi telah dipenuhi, dia boleh memberikan suatu perakuan akreditasi kepada pemohon sebagaimana yang ditetapkan oleh peraturan-peraturan, atau jika tiada peraturan-peraturan sedemikian telah dibuat, sebagaimana yang ditentukan oleh Majlis.”;

- (e) dengan menggantikan subseksyen (5) dengan subseksyen yang berikut:

“(5) Bagi maksud akreditasi di bawah seksyen ini, hendaklah kena dibayar kepada Ketua Pengarah oleh pemohon atau pemegang perakuan akreditasi itu, fi akreditasi yang ditetapkan dan apa-apa kos lain yang mungkin semunasabahnya dilakukan berkaitan dengan akreditasi.”;

- (f) dengan menggantikan subseksyen (6) dengan subseksyen yang berikut:

“(6) Ketua Pengarah hendaklah menyimpan suatu daftar untuk merekodkan perincian tiap-tiap perakuan akreditasi yang diberikan di bawah seksyen ini dan daftar itu hendaklah dijadikan tersedia kepada orang awam.”; dan

- (g) dengan menggantikan subseksyen (7) dengan subseksyen yang berikut:

“(7) Ketua Pengarah boleh pada bila-bila masa menggantung atau membatalkan sesuatu perakuan akreditasi yang diberikan di bawah seksyen ini jika, pada pendapatnya, mana-mana terma dan syarat yang berhubung kait dengan perakuan akreditasi itu telah dimungkiri, tetapi pemegang perakuan akreditasi yang perakuan akreditasinya telah digantung atau dibatalkan boleh merayu kepada Majlis.”.

Pindaan seksyen 17

10. Seksyen 17 Akta ibu dipinda—

- (a) dengan menggantikan subseksyen (1) dengan subseksyen yang berikut:

“(1) Tiada kumpulan orang boleh, kecuali dengan persetujuan Menteri, menjalankan fungsi yang baginya ia dibentuk di bawah suatu nama yang mengandungi perkataan “Standard Malaysia” atau “Jabatan Standard, Malaysia” atau apa-apa singkatan atau singkatan yang mengelirukan atau apa-apa yang menyerupainya.”; dan

- (b) dalam subseksyen (4), dengan memasukkan selepas perkataan “ringgit” perkataan “atau dipenjarakan selama tempoh tidak melebihi tiga tahun atau kedua-duanya”.

Pindaan seksyen 18

11. Akta ibu dipinda dengan menggantikan seksyen 18 dengan seksyen yang berikut:

“**18.** (1) Mana-mana orang yang—

- (a) membuat apa-apa pernyataan atau representasi, sama ada secara bertulis atau selainnya, dengan merujuk kepada apa-apa penilaian pematuhan yang memberikan atau mungkin memberikan tanggapan bahawa seseorang yang tidak diakreditasikan di bawah Akta ini dengan merujuk kepada aktiviti penilaian pematuhan itu diakreditasikan sedemikian;
- (b) membuat apa-apa pernyataan atau representasi, sama ada secara bertulis atau selainnya, yang memberikan atau mungkin memberikan tanggapan bahawa sesuatu penilaian pematuhan mematuhi kehendak akreditasi sedangkan ia tidak mematuhi sedemikian; atau
- (c) setelah diakreditasikan untuk menggunakan sesuatu simbol akreditasi, menggunakan perakuan akreditasi selepas penarikbalikannya, atau semasa penggantungannya, atau selainnya dengan melanggar terma-terma dan syarat-syarat perakuan akreditasi itu,

melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi lima tahun atau kedua-duanya dan, bagi kesalahan kali kedua atau yang berikutnya, boleh didenda tidak melebihi dua ratus ribu ringgit atau dipenjarakan selama tempoh tidak melebihi sepuluh tahun atau kedua-duanya.”.

Seksyen baru 18A

12. Akta ibu dipinda dengan memasukkan selepas seksyen 18 seksyen yang berikut:

“Pemunyaan Standard Malaysia

18A. Kesemua Standard Malaysia adalah dipunyai oleh Kerajaan Malaysia dan tiada bahagian Standard Malaysia boleh dihasilkan semula dalam apa-apa bentuk tanpa kebenaran bertulis Ketua Pengarah.”.

Bahagian VA baru

13. Akta ibu dipinda dengan memasukkan selepas Bahagian V Bahagian yang berikut:

“BAHAGIAN VA**PENGUATKUASAAN****Pegawai diberi kuasa**

21A. Ketua Pengarah boleh, secara bertulis, memberi kuasa mana-mana pegawai Jabatan atau pegawai awam untuk menjalankan kuasa penguatkuasaan di bawah Akta ini.

Kad kuasa

21B. (1) Ketua Pengarah hendaklah mengeluarkan kepada setiap pegawai diberi kuasa suatu kad kuasa yang hendaklah ditandatangani oleh Ketua Pengarah.

(2) Bilamana pegawai diberi kuasa menjalankan mana-mana kuasa di bawah Akta ini, dia hendaklah, apabila diminta, mengemukakan kepada orang yang terhadapnya kuasa itu sedang dijalankan kad kuasa yang dikeluarkan kepadanya di bawah subseksyen (1).

Kuasa penyiataan

21c. (1) Seseorang pegawai diberi kuasa hendaklah mempunyai semua kuasa yang perlu untuk menjalankan penyiataan di bawah Akta ini.

(2) Dalam mana-mana hal yang berhubungan dengan pelakuan suatu kesalahan di bawah Akta ini, pegawai diberi kuasa yang menjalankan penyiataan boleh menjalankan semua atau mana-mana kuasa berhubung dengan penyiataan polis dalam kes boleh tangkap yang diberikan oleh Kanun Tatacara Jenayah [*Akta 593*].

Pengeledahan dan penyitaan dengan waran

21d. (1) Jika ternyata pada seseorang Majistret, atas maklumat bertulis dengan bersumpah daripada pegawai diberi kuasa dan selepas apa-apa siasatan sebagaimana yang Majistret itu fikirkan perlu, bahawa terdapat sebab yang munasabah untuk mempercayai bahawa mana-mana premis telah digunakan atau akan digunakan bagi, atau ada di dalam atau pada mana-mana premis keterangan yang perlu untuk membuktikan pelakuan suatu kesalahan di bawah Akta ini, Majistret itu boleh mengeluarkan suatu waran yang memberi kuasa pegawai diberi kuasa yang dinamakan dalam waran itu, pada bila-bila masa yang munasabah pada waktu siang atau malam dan dengan atau tanpa bantuan—

- (a) untuk memasuki premis dan menggeledah bagi, menyita dan menahan mana-mana komputer, buku, rekod, data berkomputer, dokumen atau benda lain;
- (b) untuk memeriksa, membuat salinan, atau mengambil cabutan daripada, mana-mana komputer, buku, rekod, data berkomputer, dokumen atau benda lain yang disita dan ditahan;
- (c) untuk mengambil milikan, dan memindahkan dari premis mana-mana komputer, buku, rekod, data berkomputer, dokumen atau benda lain yang disita dan menahannya bagi suatu tempoh sebagaimana yang perlu;

- (d) untuk menggeledah mana-mana orang yang berada di dalam, atau pada, premis itu dan bagi maksud menggeledah, menahan orang itu dan memindahkannya ke tempat yang perlu untuk membantu penggeledahan, dan menyita dan menahan apa-apa harta atau dokumen yang dijumpai pada orang itu; atau
- (e) untuk memecah buka, memeriksa dan menggeledah mana-mana komputer, buku, rekod, data berkomputer, dokumen atau benda lain.

(2) Seseorang pegawai diberi kuasa yang bertindak di bawah subseksyen (1) boleh, jika perlu berbuat demikian —

- (a) memecah buka mana-mana pintu luar atau dalam premis dan memasuki premis itu;
- (b) memasuki dengan secara kekerasan premis dan tiap-tiap bahagiannya;
- (c) memindahkan dengan menggunakan kekerasan apa-apa halangan kepada kemasukan, penggeledahan, penyitaan, penahanan atau pemindahan yang dia diberi kuasa untuk melaksanakan; atau
- (d) menahan mana-mana orang yang dijumpai di premis yang dikeledah di bawah subseksyen (1) sehingga penggeledahan itu selesai.

(3) Jika, oleh sebab jenis, saiz atau amaunnya, adalah tidak munasabah untuk memindahkan mana-mana komputer, buku, rekod, data berkomputer, dokumen atau benda lain yang disita di bawah seksyen ini, pegawai diberi kuasa hendaklah, dengan apa-apa cara, mengelak komputer, buku, rekod, data berkomputer, dokumen atau benda lain itu.

(4) Mana-mana orang yang, tanpa kuasa yang sah, memecahkan, mengganggu atau merosakkan lak yang disebut dalam subseksyen (3) atau memindahkan komputer, buku, rekod, data berkomputer, dokumen atau benda lain itu yang dilak atau cuba untuk berbuat demikian melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

Pengeledahan dan penyitaan tanpa waran

21E. Jika seseorang pegawai diberi kuasa berpuas hati atas maklumat yang diterima bahawa oleh sebab kelengahan dalam memperoleh waran geledah di bawah seksyen 21D penyiasatan akan terjejas atau keterangan mengenai pelakuan sesuatu kesalahan berkemungkinan diganggu, dipindahkan, dirosakkan atau dimusnahkan, pegawai diberi kuasa itu boleh memasuki premis itu dan menjalankan dalam, di dan berkenaan dengan premis itu semua kuasa yang disebut dalam seksyen 21D dengan cara yang sepenuhnya dan secukupnya seolah-olah dia telah diberi kuasa untuk berbuat demikian oleh suatu waran yang dikeluarkan di bawah seksyen itu.

Waran boleh diterima walau apa pun kerosakan

21F. Sesuatu waran geledah yang dikeluarkan di bawah Akta ini adalah sah dan boleh dikuatkuasakan walau apa pun kecacatan, kesilapan atau peninggalan dalamnya atau dalam permohonan bagi waran itu, dan mana-mana komputer, buku, rekod, data berkomputer, dokumen atau benda lain yang disita di bawah waran itu boleh diterima sebagai keterangan dalam mana-mana prosiding di bawah Akta ini.

Akses kepada data berkomputer

21G. (1) Mana-mana pegawai diberi kuasa yang menjalankan pengeledahan di bawah Akta ini hendaklah diberi akses kepada data berkomputer sama ada yang disimpan dalam suatu komputer atau selainnya.

(2) Bagi maksud seksyen ini, seseorang pegawai diberi kuasa hendaklah diberi kata laluan, kod penyulitan, kod penyahsulitan, perisian atau perkakasan yang perlu dan apa-apa cara lain yang diperlukan untuk membolehkan data berkomputer difahami.

Senarai komputer, buku, rekod, dsb., yang disita

21H. (1) Jika apa-apa penyitaan dibuat di bawah Akta ini, seseorang pegawai diberi kuasa yang membuat penyitaan itu hendaklah menyediakan senarai komputer, buku, rekod, data berkomputer, dokumen atau benda lain yang disita dan hendaklah menandatangani senarai itu.

(2) Senarai yang disediakan mengikut subseksyen (1) hendaklah diserahkan dengan serta-merta kepada orang yang mengawal atau bertanggungjawab bagi premis yang telah digeledah itu.

Pemeriksaan orang yang mengetahui kes

21i. (1) Seseorang pegawai diberi kuasa yang membuat penyiasatan di bawah Akta ini boleh memeriksa secara lisan mana-mana orang yang dijangkakan mengetahui fakta dan hal keadaan kes itu.

(2) Orang itu adalah terikat untuk menjawab segala soalan yang berhubungan dengan kes itu yang dikemukakan kepadanya oleh pegawai diberi kuasa, tetapi dia boleh enggan untuk menjawab apa-apa soalan yang jawapannya mungkin mendedahkannya kepada suatu pertuduhan jenayah atau penalti atau pelucuthakan.

(3) Seseorang yang membuat pernyataan di bawah seksyen ini adalah terikat di sisi undang-undang untuk menyatakan yang benar, sama ada atau tidak pernyataan itu dibuat keseluruhannya atau sebahagiannya bagi menjawab soalan itu.

(4) Pegawai diberi kuasa yang memeriksa seseorang di bawah subseksyen (1) hendaklah terlebih dahulu memaklumkan orang itu mengenai peruntukan subseksyen (2) dan (3).

(5) Suatu pernyataan yang dibuat oleh mana-mana orang di bawah seksyen ini hendaklah, bilamana mungkin, diubah ke dalam bentuk bertulis dan ditandatangani oleh orang yang membuatnya atau dilekatkan dengan cap ibu jarinya, mengikut mana-mana yang berkenaan—

(a) selepas pernyataan itu dibacakan kepadanya dalam bahasa pernyataan itu dibuat olehnya; dan

(b) selepas dia diberi peluang untuk membuat apa-apa pembedaan yang ingin dibuat olehnya.

Kebolehterimaan pernyataan sebagai keterangan

21j. (1) Kecuali sebagaimana yang diperuntukkan dalam seksyen ini, tiada pernyataan yang dibuat oleh mana-mana orang kepada pegawai diberi kuasa semasa penyiasatan yang dibuat di bawah Akta ini boleh digunakan sebagai keterangan.

(2) Apabila mana-mana saksi dipanggil bagi pendakwaan atau bagi pembelaan, selain tertuduh, mahkamah hendaklah, atas permintaan tertuduh atau pendakwa, merujuk kepada mana-mana pernyataan yang dibuat oleh saksi itu kepada pegawai diberi kuasa semasa sesuatu penyiasatan di bawah Akta ini dan boleh kemudiannya, jika mahkamah berpendapat patut demi kepentingan keadilan, mengarahkan supaya tertuduh diberikan suatu salinan pernyataan itu dan pernyataan itu boleh digunakan untuk mencabar kebolehpercayaan saksi itu mengikut cara yang diperuntukkan oleh Akta Keterangan 1950 [*Akta 56*].

(3) Jika tertuduh telah membuat suatu pernyataan semasa sesuatu penyiasatan, pernyataan itu boleh diterima sebagai keterangan bagi menyokong pembelaannya semasa perbicaraan.

(4) Tiada apa-apa jua dalam seksyen ini boleh disifatkan terpakai bagi mana-mana pernyataan yang dibuat semasa suatu kawad cam atau terangkum dalam seksyen 27 atau perenggan 32(1)(a), (i) dan (j) Akta Keterangan 1950.

(5) Apabila mana-mana orang dipertuduh atas apa-apa kesalahan berhubung dengan pembuatan atau kandungan apa-apa pernyataan yang dibuat olehnya kepada seseorang pegawai diberi kuasa semasa sesuatu penyiasatan yang dibuat di bawah Akta ini, pernyataan itu boleh digunakan sebagai keterangan dalam kes pendakwaan.

Kuasa untuk menghendaki kehadiran orang yang mengetahui kes

21k. (1) Seseorang pegawai diberi kuasa yang membuat penyiasatan di bawah Akta ini boleh, melalui perintah secara bertulis, menghendaki mana-mana orang yang pada hemat pegawai diberi kuasa itu mengetahui fakta dan hal keadaan kes itu supaya hadir di hadapannya, dan orang itu hendaklah hadir sebagaimana yang dikehendaki.

(2) Jika mana-mana orang sedemikian enggan atau tidak hadir sebagaimana yang dikehendaki oleh suatu perintah yang dibuat di bawah subseksyen (1), pegawai diberi kuasa itu boleh melaporkan keengganan atau ketidakhadiran itu kepada Majistret yang hendaklah mengeluarkan suatu waran untuk memastikan kehadiran orang itu sebagaimana yang dikehendaki oleh perintah itu.

Pelepasan komputer, buku, rekod, dsb., yang disita

21L. (1) Jika mana-mana komputer, buku, rekod, data berkomputer, dokumen atau benda lain disita di bawah Akta ini, pegawai diberi kuasa yang membuat penyitaan itu boleh, selepas merujuk kepada Ketua Pengarah, melepaskan komputer, buku, rekod, data berkomputer, dokumen atau benda lain itu kepada orang yang daripada milikan, jagaan atau kawalannya ia disita.

(2) Suatu rekod bertulis hendaklah dibuat oleh pegawai diberi kuasa yang membuat pelepasan komputer, buku, rekod, data berkomputer, dokumen atau benda lain di bawah subseksyen (1) yang menyatakan secara terperinci hal keadaan dan sebab bagi pelepasan itu, dan dia hendaklah menghantarkan suatu salinan rekod itu kepada Ketua Pengarah dalam tempoh tujuh hari dari pelepasan itu.

Kos memegang komputer, buku, rekod, dsb., yang disita

21M. Jika mana-mana komputer, buku, rekod, data berkomputer, dokumen atau benda lain yang disita di bawah Akta ini dipegang dalam jagaan pegawai diberi kuasa sementara menunggu penyelesaian apa-apa prosiding berkenaan dengan suatu kesalahan di bawah Akta ini, kos bagi memegangnya dalam jagaan hendaklah, sekiranya mana-mana orang disabitkan atas kesalahan itu, menjadi hutang yang kena dibayar kepada Kerajaan oleh orang itu dan bolehlah didapati dengan sewajarnya.

Tiada kos atau ganti rugi yang berbangkit daripada penyitaan boleh didapatkan

21N. Tiada seorang pun, dalam apa-apa prosiding di hadapan mana-mana mahkamah berkenaan dengan mana-mana komputer, buku, rekod, data berkomputer, dokumen atau benda lain yang disita pada menjalankan atau berupa sebagai penjalanan mana-mana kuasa yang diberikan di bawah Akta ini, berhak mendapat kos prosiding itu atau apa-apa ganti rugi atau relief lain melainkan jika penyitaan itu dibuat tanpa sebab yang munasabah.

Kuasa tambahan

21o. Seseorang pegawai diberi kuasa hendaklah, bagi maksud melaksanakan Akta ini, mempunyai kuasa untuk melakukan semua atau mana-mana yang berikut:

- (a) untuk menghendaki pengemukaan apa-apa komputer, buku, rekod, data berkomputer, dokumen atau benda lain yang disimpan oleh mana-mana orang dan untuk meneliti, memeriksa dan untuk membuat salinan daripadanya;
- (b) untuk menghendaki pengemukaan apa-apa dokumen pengenalan daripada mana-mana orang berhubung dengan apa-apa pembuatan atau kesalahan di bawah Akta ini;
- (c) untuk membuat apa-apa siasatan yang perlu untuk menentukan sama ada peruntukan Akta ini telah dipatuhi.

Menghalang pegawai diberi kuasa

21p. Mana-mana orang yang—

- (a) mengamang, menghalang, menyekat atau mengganggu mana-mana pegawai diberi kuasa dalam pelaksanaan kuasanya di bawah Akta ini;
- (b) enggan memberikan akses kepada mana-mana pegawai diberi kuasa kepada mana-mana premis yang pegawai diberi kuasa berhak kepadanya di bawah Akta ini atau dalam melaksanakan apa-apa kewajipan yang dikenakan atau kuasa yang diberikan oleh Akta ini; atau

- (c) enggan memberikan kepada mana-mana pegawai diberi kuasa apa-apa maklumat yang berhubungan dengan kesalahan atau kesalahan yang disyaki di bawah Akta ini atau apa-apa maklumat lain yang boleh semunasabahnya dikehendaki daripadanya dan yang ada dalam pengetahuannya atau yang dia berkuasa untuk memberikannya,

melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi dua tahun atau kedua-duanya.”.

Pindaan seksyen 22

14. Seksyen 22 Akta ibu dipinda—

(a) dalam subseksyen (2)—

- (i) dalam perenggan (c), dengan memasukkan selepas perkataan “pindaan” perkataan “, penyemakan”;
- (ii) dalam perenggan (d), dengan memotong perkataan “atau pendaftaran”;
- (iii) dengan memotong perenggan (f);
- (iv) dalam perenggan (g), dengan memotong perkataan “atau pendaftaran”;
- (v) dalam perenggan (j), dengan menggantikan noktah di hujung perenggan itu dengan koma bernoktah; dan
- (vi) dengan memasukkan selepas perenggan (j) perenggan yang berikut:
 - “(k) menetapkan kesalahan yang boleh dikompaun.”; dan

(b) dengan memasukkan selepas subseksyen (2) subseksyen yang berikut:

“(3) Peraturan-peraturan yang dibuat di bawah subseksyen (2) boleh menetapkan apa-apa perbuatan yang melanggar peraturan-peraturan itu menjadi suatu kesalahan dan boleh menetapkan penalti denda tidak melebihi dua puluh ribu ringgit atau pemenjaraan selama tempoh tidak melebihi dua tahun atau kedua-duanya.”.

Pindaan seksyen 25

15. Seksyen 25 Akta ibu dipinda dengan memotong subseksyen (3).

Peruntukan kecualian

16. (1) Anggota Majlis yang telah dilantik atau dilantik semula sebelum permulaan kuat kuasa Akta ini dan yang belum menamatkan tempoh jawatannya sebaik sebelum permulaan kuat kuasa Akta ini boleh terus memegang jawatan bagi baki tempoh jawatannya.

(2) Apa-apa permohonan, kelulusan, perisytiharan, penggantungan atau pembatalan perakuan akreditasi, rayuan atau prosiding undang-undang yang belum selesai sebelum tarikh permulaan kuat kuasa Akta ini tidaklah terjejas oleh Akta ini dan hendaklah diteruskan seolah-olah Akta ini tidak diperbuat.